

(此意見書原為點字信，以下是文字譯本。)
(Chinese transcript of the submission made in Braille.)

圖博文化交流學社

對「修訂酒精飲品銷售法令」之意見

我哋對於政府提案修訂《應課稅品條例》上，基於對藏族文化嘅理解上，提交幾點意見。

一、 據了解，今次嘅法例修正案會將電子銷售渠道開始列入執法範圍；購買時必須提交年齡等身份證明，交易方可成立。本會對購買時確認年齡嘅手續上，持極大嘅保留態度。確認年齡時，提交嘅身份證明文件會否產生顧客個人資料被不法利用之事情，仍屬未知之數；此亦難以單靠個別法令或技術去保障有關嘅個人權益。再者，因只所產生嘅多餘嘅手續，亦可能減少市民利用電子商務嘅意欲，打擊香港有關產業嘅發展。

二、 今次嘅修訂適用於典型零售商，但不適用於酒吧本身。而法例通過後，兩者嘅違例罰則上，將存在極大落差。酒吧違例時，最高罰則可達到「吊銷牌照」嘅處分；普通嘅銷售商違例時，就未見引「取消酒牌」等罰則，最高改為罰款50000 港元。兩者同時身為酒精飲品嘅銷售場所，法令上應以一視同仁嘅標準同埋首段執法。

三、 本會絕不贊成以「**禁絕手段**」禁止酒類銷售予未成年人。1930 年代，美國為咗「保護國民健康」，全面禁止銷售酒類，結果適得其反—大量民眾因「禁酒令」而誤服假冒酒精，導致永久傷殘、甚至死亡。由此可知，如此的禁止手段，令「地下市場」有機可乘，危害全球民眾生命安全！

四、 在「禁止酒精飲品」的同時，我哋配合世界上各先進國家嘅趨勢，提議「娛樂用大麻草」合法化。身處海拔五千米以上嘅民族，生活時常因其氣候及低氣壓環境，需使用特定物質促進心肺功能。現今世界各國逐步證明，適量服食大麻草，有助舒緩長期疾病所帶嚟嘅痛楚，以及抵抗憂鬱症，可見大麻草對人體健康，大致上利大於弊。

(請謹記：切勿 Pot 後駕駛)

五、 保護兒童、青少年身心健康，絕不能單靠「防禦措施」。低壓力教育、青少年性自決、取消無謂評估測驗，係青少年發育健全嘅「基本工」；向兒童灌輸本土意識、抵抗中共不良思想入侵香港教育體制，比煙酒防治措施嚟得更重要！就好似而家西藏嘅處境一樣，藏族人民連番受到殖民政權打壓，與香港今日嘅景象幾乎無分別！

六、 為保障香港青少年身心 **真正** 不受成癮物質所危害，我哋同時對西九龍國際列車站內，實施中國法律及「同步清關手續」嘅措施，**表示強烈反對**。我哋無法容許政府三權合作，打壓香港人嘅公民權利，正如現時中國以至西藏咁樣；我哋憑身住西藏藏族數千年以來嘅宗教思想，要求政府立即釋放為香港而努力嘅 16 人，並停止一切行政上毫不中立嘅檢控作業！

僅就以上幾點意見遞交「2017 應課稅本（修訂）條例草案」委員會，敬請考慮。

圖博文化交流學社

Tenjin Poecho 敬啟